

## Herritarrekin adostutako trantsizio energetiko baten aldeko mozioa

Energia oinarritzko baliabide bat da, eta egungo kontsumo energetikoa, nagusiki, erregai fosiletan oinarritzen da, berotegi efektuko gasak eragiten dituzten eta agortze bidean dauden lehengaietan, hain zuzen. Horregatik, beharrezkoa da, energiaren deskarbonizazioarekin batera, energia berriztagarriak eta garbiak erabiltzeko urrats irmoak egin eta politikak sustatzea.

Ukrainako gerrak are gehiago azalarazi du Euskal Herriak duen energia menpekotasuna. Hemen kontsumitzen dugun energia munduko beste leku batzuetatik dator, merkatuen menpe dago eta horren ondorio da etengabe ari dela garestitzen energiaren prezioa eta ondorio horiek guztiak herritarrek jasango dituzte beste behin.

Horregatik guztiagatik, trantsizio energetikoaren erronka premiazkoa eta urgentziazkoa da. Gauza asko eta oso azkar aldatu behar ditugu, baina gure premisa argia da arlo honetan ere: trantsizioak iraunkorra, berriztagarria, justua eta inklusiboa izan behar du, inor baztertu edo atzean utziko ez duena eta herrikideen arteko berdintasuna bermatzea izango duena bokazio gisa.

Energiaren erronkari modu kolektiboan erantzutea funtsezkoa da. Zentzu horretan, Eusko Legebiltzarrak etorkizuneko Energia Trantsizio eta Klima Aldaketari buruzko legean interesa duten herritarren parte-hartzea bermatzea bezain garrantzitsua da Energia Berriztagarrien Lurralde Plan Sektoriala behingoz egitea. Izan ere badira hamar urte baino gehiago Eusko Legebiltzarrak aho batez eskatu zuela indarrean dagoen Eoliken Lurralde Plan Sektoriala berritzea. Eta hori gutxi ez balitz 2019ko Jasangarritasun Energetikoko legean ere Eusko Jaurlaritzak 2 urtetan esandako Plan Sektoriala berritzera konprometitu zen. Trantsizio energetikoa bera ematea bezain garrantzitsua baita berau adostua izatea.

Beste behin ere, egoera honetara ekarri gaituzten politiketan erabateko aldaketa eman beharra dago, agerikoa da etxerako lanak egin gabe iritsi direla Eusko Jaurlaritzak, Gipuzkoako Foru Aldundia eta hainbat udal.

Orain arte poliki eta gaizki egin dena, energiaren deskarbonizazioa eta energia berriztagarri eta garbietara trantsizioa, azkar eta gaizki egiteko arriskua ikusten dugu. Hau honela gertatu ez dadin EH Bilduk gutxieneko bermeak eskatzen ditu, aurrean daukagun erronkari garaiz eta dagokion neurrian erantzun ahal izateko.

Guzti hau dela eta Azkoitiko Udaltzaren ondorengoa eskatzen dio Azkoitiko Udalari:

1. Eusko Jaurlaritzari konpromisoa eska diezaiola Oletako eoliko proiektuak eduki ditzakeen ingurumen eta bestelako eraginaren azterketak zorrotz egin daitezela eta energiaren sozializazioa termino demokratikoetan eta komunitatean onura eraginez gauzatu dadila.
2. Buruzai proiektu eolikoaren aurrean, energia berriztagarriak hedatzeaz gain, eredu energetiko demokratiko baten aldeko apustua egitea. Gutxi batzuen onura dakarren eredu oligopoliotik herritarren interesak lehenetsiko dituen eredura igarotzea, herri jabetza duten proiektuak sustatuz. Azkoitiko Udalak hori berma dezala eskatzen dio Capital Energy enpresa sustatzaileari.
3. Eusko Jaurlaritzari dei egin diezaiola lehenbailehen Energia Berriztagarrien Lurralde Plan Sektoriala onartu dezan ahalik eta parte hartze eta gardentasun gehienarekin norbanako, eragile zein udalon ekarpenak jasota.

4. Azkoitiko Udalak Eusko Jaurlaritzari eskatzen dio herritarren partaidetzarako foro edo batzar bat eratzeko, hausnarketa eta ezagutza kolektiboa sortzeko deliberaziozko partaidetza ariketa batean, herritarrei informazioa emateko, eztabaidatzeko eta adostasunak sortzeko aukera emango diena 2050. urtea baino lehen klima neutritasuna lortzeko eta klima aldaketaren eraginei erresilienteagoa izango den Euskadi bat egiteko egin behar diren eraldaketa handietarako konponbideak zeintzuk izan behar diren jakiteko, hori guztia modu justu eta solidarioan.

5. Hilabeteko epean, Azpeitiko udal gobernuak egin duen moduan, gardentasun ariketa bat egin dezala eta herri batzar informatibo bat dei dezala udalak proiektuaren inguruan duen informazio guztia herritarrei azaltzeko.